

太平寰宇記

第三十六冊

太平寰宇記

卷之六

太平寰宇記卷之一百四十九

山南東道八

萬州

忠州

梁山軍

萬州

萬州

南浦郡今理南浦縣

其地卽春秋時楚之西鄙爲夔子國

亦熊摯受封之所秦漢皆爲巴郡朐眢縣地

朐音蠢眢

音如尹切

東漢末以朐眢屬巴東郡魏晉亦同宋齊因

之後魏分朐眢縣地置安鄉郡及魚泉縣後又改

安鄉郡爲萬川郡魚泉縣爲萬川縣兼立南州于

此隋開皇初郡廢而州存十八年改萬川縣爲南

浦縣大業三年州又廢併其地復入巴東郡唐武德三年以其地曠源深須資郡府仍割信州之南浦梁山武寧三縣于此置南浦州領南浦梁山武寧三縣八年廢南浦州以南浦梁山屬夔州武寧屬臨州其年復立浦州依舊領三縣貞觀八年改爲萬州天寶元年改爲南浦郡乾元元年復爲萬州

元領縣三

今二

南浦 武寧

一縣割出

梁山軍置

州境

東西二百二十八里 南北四百五十里

四至八到

東至東京三千二百九十里

東取江陵府路至西京二千四百五十五里

東取江陵府路至長安二千七百一十里若取開

通洋三郡路至長安一千六百里

東至夔州水路三百里

西至渠州四百五十里

南至施州六百八十三里

北至開州二百三十二里又有小路一百六十里

東南至施州清江縣三百四十里

西南至忠州界九十六里

西北至通州四百里

東北至瀘溪開州兩郡界一百七十里

戶

唐開元戶五千一百

皇朝戶主六百一十九客一千二百八十五

風俗

正月七日鄉市士女渡江南娥眉磧上作雞子卜
擊小鼓唱竹枝歌二月三日攜酒饌鼓樂于郊外
飲宴至暮而同謂之迎富

人物無

土產

金貢

白膠香

蠲紙

苦藥子

太麻十一年京兆尹黎幹撰方

進上云此藥性寒去熱能解一切
毒每服之立有應效遂為常貢

南浦縣

舊入鄉今
一十五鄉

本漢朐胝縣地後魏廢帝元年分

朐胝之地置魚泉縣以地土多泉民賴魚罟為名
後周改為萬川縣隋開皇十八年改萬川為南浦

以浦爲名 高粱大山在縣北四十里尋江源記
云高粱山尾東跨江西首劍閣東西數千里山嶺
長峻其峯崔嵬于蜀市望之若長雲垂天一日行
之乃極其頂俯視眾山泯若平原劍閣銘所謂巖
巖梁山積石峩峩卽述此山也 千金島在縣南
三里揭立江心石高數丈廣百步 娥眉磧在州
對江岸磧形如眉多細石爛斑可以遊戲 使君
灘在州東二里大江中昔姚亮赴任益州行船至
此覆故名之 新婦灘東南岸十里崖石上有婦
人容狀故名 岷江在縣東三十步自成都而來

下入雲安縣界

武寧縣

西南一百三十里依舊四鄉

本漢巴郡卽臨江縣地後周

武帝初分臨江縣地置源陽縣屬南都郡至建德四年改南都郡爲懷德郡又改源陽縣爲武寧縣取威武以寧斯地爲名隋開皇三年廢臨州以縣屬巴東郡唐武德二年改屬浦州卽今萬州是也木欂山在縣東南十三里山頂有池冬夏可驗其淺深隨大江水漲增減大江在縣南十三步金磧山在縣西南十五里石笋山在縣東北三十五里其狀如笋雙渠在縣東十里灘心有

石泉分爲二狀如雙渠

忠州

忠州

南賓郡今理臨江縣

按其所屬自秦漢之代與夔州同又

譙

周巴記云後漢初平六年立臨江縣屬永寧郡

今郡東二里臨江南古城是也建安六年改永寧

郡爲巴東郡臨江縣屬焉歷晉宋皆因之至梁大

同六年于此立臨江郡以郡城臨于江也後魏廢

帝二年改爲臨州領臨江萬川二郡隋開皇三年

郡廢而州存大業五年州廢以其地入巴東郡義

寧二年又于臨江縣立臨州又分置豐都縣唐武

德二年分浦州之武寧置南賓縣又分臨江置清
水縣並屬臨州八年又以浦州之武寧來屬其年
又隸浦州九年以廢隣州之墊江來屬貞觀八年
改臨州爲忠州以地邊巴徼意懷忠信爲名天寶
元年改爲南賓郡乾元元年復爲忠州

領縣五

臨江 豐都 墊江 南賓 桂溪

州境

東西一百六十里 南北三百八里

四至八到

太平寰宇記 卷之一百四十九 五
東至東京三千一百二十五里

東取江陵府路至西京二千七百一十五里若取
開州路至西京一千九百里

東取江陵府路至長安二千九百七十五里

東至萬州水路二百六十里

南至黔州六百五十里

西至涪州三百五十里

北至渠州五百一十四里

東南至萬州界四百五十六里

西至涪州水路三百五十里南渡江山路至黔州

四百里

西取桂溪隣山二縣路至渠州五百里

戶

唐開元戶六千七百二十二

皇朝戶主一千九百七十客一萬六千七百二十

風俗

夷獠頗類黔中正月三日拜墓二月三日攜酒郊外迎富除夜然燈照先祖墳墓

人物

無

土產

苦藥子 大蘇十一年京兆尹黎幹奏稱此藥性寒去熱能解一切毒每服之立有應效

巴戟 麥門冬 黃連 天門冬 綿 紬 文

刀 蘇薰席 按段氏遊蜀記云忠州墊江縣以蘇薰為席絲為經其色深碧

臨江縣 元十本 漢舊縣也屬巴郡梁立郡于此縣本

以臨江川為名 東溪水在郡東南三里源自南

賓縣南流于江 故石城在縣東百里當岷江之

北岸李雄之亂巴西郡寄理此城其城四面懸絕

焉 鳴玉溪在州西十里上有懸岩瀑布高五十

餘丈潭洞幽邃古木蒼然前刺史房式嘉其幽絕

特置蘭若凡置五橋以渡溪水今廢

豐都縣西九十二里元四鄉本漢拱縣地屬巴郡續漢書郡國

志云永元二年分拱縣地置平都縣取界內平都

山爲名蜀延熙中省入臨江隋義寧三年復置改

爲豐都焉拱一作枳平都山在縣北二里神仙傳云

後漢延光元年陰長生于馬明生處求仙法乃將

長生入青城山中煮黃土爲金以示之立壇啖血

取太青神丹經授之乃別出長生後于平都山白

日昇天卽此張道陵所化二十四化居其一也

大江在縣南一百步

墊江縣北一百七十里元五鄉本漢臨江縣地屬巴郡後魏恭

大平廣字已卷之一百四十九七

帝三年分臨江地于此置墊江後周天和二年改墊江爲魏安縣隋開皇十八年改魏安復爲墊江縣容溪水在縣南十里西流

南賓縣

西南一百里舊五鄉今三鄉

本漢臨江縣地自漢至梁爲

臨江縣地不改後周初分臨江縣置源陽縣後改源陽爲武寧縣屬南賓郡尋又改爲懷德郡屬南州唐武德二年分浦州之武寧縣西界地置南賓縣屬臨州貞觀八年改臨州爲忠州仍不改所屬望途溪在縣北二百步西流至豐都縣南注濁

江

桂溪縣

西一百三十九里
舊五鄉今三鄉

本漢臨江縣地按漢臨江

縣在今臨江縣界臨江故城是也唐武德二年分
臨江地于此置清水縣屬臨州天寶元年以隴右
有清水縣名同改為桂溪以縣界桂溪爲名 容
溪水在縣南三里西流入墊江界

梁山軍

梁山軍

理梁山縣

本萬州梁山縣皇朝開寶三年置屯田

務因建爲梁山軍管梁山一縣

領縣一

梁山